

簡松草堂詩集

簡松草堂詩集卷八

錢唐張雲璈仲雅

題高茗發表兄移居春樹灣圖

幽居豈是爲逃名地
僻門閒遠市聲一徑
鶯花無陋巷二分煙
水隔重城買隣添我
鄉園戀典宅看君爽
塏更最喜馬塍春色
近水應枯樹賦蘭成
樹春灣又名枯樹灣

送嵇四久之給假歸葬後回滋陽丞任二首

牛眠卜後思難勝
又數征期別意增
此日尊前皆

骨肉何年燈火話親朋
索居笑我長爲客公事如
君不負丞閒裏朝衣支手
版未妨吟興尙飛騰
虛堂行色苦忽忽蕭瑟簾
衣燭不紅事雜悲歡人
漸老時當聚散酒頻空
江天朔雁千帆月魯道寒
鴉萬樹風只說年年相見
易算來多在別離中

辛丑仲冬朔日過錫山嵇晴軒侍讀招集
絢秋軒文讌一時會者二十餘人卽席紀
事二首呈侍讀

嘉會留連感夙因
招邀偏喜及寒晨
畫能成虎終難類
好恐非龍別有真
傑閣朗吟天外句
西風涼

減酒邊人就中多少青衫在矮屋年年識苦辛
虛堂下筆費吟思正是春蠶食葉時共說文章千
古事何妨窮達十年遲賦成鸚鵡無加點繡出鴛
鴦豈易知學士青錢曾萬選玉堂冰鑑手頻持

將返揚州晴軒以詩送行次韻奉酬

霜天如洗雁寥寥伴我征帆挂暮潮桃葉一江流
盡舫燭花雙翦夢虹橋黛痕愁減新山色看意寒
歸舊柳條自笑浮家渾莫定離愁羈思兩難消

重歸揚州寓館

舊識城西路重經硯北堂得歸仍是客小住當還

鄉竹色逢人冷花枝過我長不嫌雙屐嬾怕損石
苔蒼

晴軒侍讀假滿還朝道過揚州卽席贈

別二章

酒畔銀魚未放閒此行端合戀鄉關王孫自昔懷
芳草學士何曾住碧山目斷煙波鷗鷺夢身依閭
闔鳳凰班只愁半臂春寒裏長對楊枝憶小蠻
時新
納姬人未及隨行

西風獵獵帽簷斜鞭外長安渺一涯鈴閣久虛雙
燭燄玉珂猶遲八轡花聯吟夜雨曾同客小住寒

潮且當家歲歲春明相見易憑君休恨說搏沙

無題紀事爲楷侍讀作

碧玉盈盈出小家風前從此惜芳華迎來桃葉人
雙槳別去芙蓉水一涯冷雨打殘香閣夢流鶯啼
斷粉牆花多情自昔添悵悵恨少黃衫古押衙
絳紗封臂解留歡幾度香縈角枕安貯屋阿嬌空
復爾能詩周姥本來難三千客路如樓遠十二重
簾隔霧看滿院春光通不得東風吹亂蝶飢寒

病起

春寒如水潑牕紗小院朱闌一徑斜三日不來芳

草徧東風吹大餅桃花

聽奕圖爲應叔雅題

叔雅自序云吳山面郡城若端冕然翼而衛者紫陽山也元丁野鶴修真於此靈境獨闢曠如輿如有峰有嶺有巖有洞有梁有池丁仙閣跨山之腰折而東爲真武殿凭闌四望萬家煙靄迷漫城郭江光夕陽鏤金錯采隱隱穿澗竹柏之間中置棋局十數處蓋好事者之所爲也先世父自西涼告歸與同里葉丈

鶴塗友善兩先生皆好奕晝長無事蠟
屐登山或斂指作壁上觀或技癢一賭
局予年十五六挾書策走且讀於短牆
之外樹陰濃罩滿身皆綠棋聲出花院
丁丁幽絕人語一喧則鳥羣驚散簁粉
松釵飄墮無數抵暮而返比於唱凱兩
先生日必遊遊必命予從非納履取飲
不呼終無一語誨奕也時蓋在辛未壬
申閒自先哲云亡風流歇絕今其地改
名瑞石古洞崇樓邃宇丹青炳煥無昔

時煙霞蔬筍之氣遊者不復住脚踏子
聲了不聞矣陸筱飲解元工畫爲予作
聽奕圖時一展觀不勝惘惘云

清簾疎簾曲徑通廣羊枰上劫忽忽瀛洲賭罷塵
如夢春墅園來跡已空弟子魂銷殘雨外老成人
謝落花中卽今一局閒拋却指點晨星訝許同
當年撰杖說追歡二老風流興已闌樹色半隨人
事改山靈長護舊遊難仲宣覆局猶能記李謫吟
詩早解安過眼雲煙空復爾披圖且作爛柯看
平山堂下看牡丹作歌

催花使者天所使二十四番風管事羣芳不惜次第吹獨有牡丹最奇恣東皇一春用全力到此幾愁化工費張機錦繡生炫爛下筆文章動流麗自來富貴遠寒乞穠李天桃盡斂避豪家瓦礫皆黃金濫買芳華太容易深庭紅紫垂大幕不數鄂君堆繡被天姿國色圍萬萬仿佛牕紗美人悶爭妍弄彩豈易窮列屋駢肩焉可記玉環妒寵朝阿姨飛燕邀恩進女弟此花生本瑤島豔那許貧兒等閒致須知植此自有法不與凡葩同一例開元天子解種花特與花王尊位置沈香亭上傾國人向

北闌干小凝睇賞花面北花面南惟有唐宮知此
意平山堂下花萬株曲檻迴廊暫游憩我逢花時
日一往秦炙何妨吾亦嗜輕陰澹日花最宜有福
名花天賦畀養花兼養看花人恩與花同不相忌
靜裏聞花歎惜聲天公太不留餘地再來只恐雪
紛紛欲護娉婷每無計世閒縱有興平酥安保紅
顏不輕棄賴他婪尾殿餘春莫愁極盛難爲繼

王雲槎自金焦歸極道其勝因用東坡自
金山放船至焦山韻作歌二章奉簡

佳山美水目所眴往往江北思江南金焦兩點勢

角立天欲鼎峙終無三風濤獨往愁膽薄遂令險
阻同鳬蠶羨君一葉凌浩渺雙蛟不舞陽侯慙上
追鶴魄弔仙冢下探龍穴窺深潭每逢佳境輒小
住譬若飲酒留餘酣僧伽客伴相抵掌欲共鬼笑
兼靈談昔君養疴久不出一閒旅舍低于龕書來
忽誇腰脚健定以勞苦償其甘塵清已遠俗客俗
興到更比貪夫貪顛當閉門客懷惡君乃快意吾
何堪悔不從君理雙屐布衾裹鐵山中菴

龐睂老衲虎視眈名山占盡天東南我昔阻風瓜
步口不眠夜守庚申三金焦仿佛浮海蜃孤篷縮

瑟僵于蠶江天臥覽發奇想決起欲洗山靈慙攬
身穿過飛鳥壁跣足踏破寒蛟潭凌風直上浮玉
頂有人大駭吾方酣丙申九月與嵇約之阻風瓜
洲數日不得渡乃坐江船逆
風至金山登浮圖絕頂書長歌于壁閒
欲遊焦山及江南諸勝因風甚而止
人生快事
亦偶爾豈敢以此誇雄談因君遊興數前事猶記
拄杖敲禪龕惜哉焦山到不得如噉燕尾偏留甘
招提歷歷皆裹足我廉反覺輸君貪江南江北屢
來往攀躋欲共無人堪不如徑返湖上寺與僧分
住松毛菴

茉莉詞

晚雲涼雨淨無塵小朶初開雪色勻
采得菱盤下
顙露弄花人是弄珠人

簇簇銀絲重不妨紗幮午夜倍芬芳
濃香壓枕春
雲熱比勝風鬟一味涼

賣花聲過晚風飜細穗珍珠滿一簪
不及虎邱山
畔路紅牙挑徧縷金籃

吳中賣花多以珠蘭茉莉結成小籃精麗無比

氤氲暗麝出風前只怪生來伴翠鈿
安得素馨同
一掐沈香銷夢落花田

按花譜素馨茉莉確爲二物今人誤以爲一者多矣

素馨類茉莉而小惟粵中有之

鮑若洲喪其幼子寄慰四首

階前竹馬已無聲
桁上芳襦尙有情
一片傷心菴
苑草可憐愁殺庾蘭成

孔釋曾傳抱送將
如何頭角失昂藏
桐花零落修
蘭折長對春風泣杳殤

明珠脫手悵驪龍
老眼空花日幾重
萬子原非懷
抱物人間何處說情鍾

西風吹雨淚潸潸
感逝傷離且共刪
定有重逢羊
叔子生來留戀採金環

廢宅

仲蔚蓬蒿一徑深
舞臺歌榭杳難尋
閒門鎖霧銅

魚涇舊井封泥玉虎沈簾斷已無留燕地樓高猶
識卷衣心花開花落知誰主孤負春光直到今
秋風秋雨總淒淒荒院無人路易迷仙鼠乍衝雕
戶暗孤蛩微咽敗牆低一痕苔繡埋遺銅幾篆蝸
銀蝕舊題甲第紛紛長似此底須池館賦街西

王晚香齋中賦白榴花

采自塗林種特芳當年漢使未攜將暖融西域蒲
桃雪冷帶東田苜蓿霜火樹迴煙空化玉璫紗翦
纈不成囊生來奪得霓裳色休妒紅裙六幅長

賦得被凍蠅和倪蘭洲

紅拂青紗尙有情
冰霜無復舊營營
足寒乍減交繩力
翅輒全消觸紙聲
未許塗鴉萌故態
暫從拋豆乞餘生
而今安穩齊宮夢
莫悞荒雞入夜鳴

西風赤幘漸摧殘
笑向牕前十月看
病翮敢希鷹

力健

用六帖鷹頭蠅事

熱心空附馬毛寒
偶逢暖旭將飛

嬾縱遇羶筵
欲上難輸與
畫工能肖物
屏風點墨未應乾

梁諫菴分住塔巷
予於故鄉無一椽之地
睹之增感賦此奉贈

頻年蹤跡類搏沙
買宅虛將百萬誇
鵲冷難依明

月樹燕歸長戀故園花卓錫顧我終無地移具看
君別有車羨煞一枝分占得本來桐木是韓家

草蟲燈次汪雪礪韻

攜將趯趯蛻痕輕翼翦蟬紗隔霧明涼夜慣看投
燄過熱腸何用感秋鳴玉螢分得光嫌冷綵蝶飛
來影有情多少魚龍誇曼衍么膺也占一時聲

翌日復疊前韻

碧紗初染草煙輕淺注蘭膏分外明金粟乍搖睛
欲轉銀絲長繫脰難鳴伶俚傷寒月三秋影掠亂春
風五夜情對此不須憐小技雕蟲曾許擅家聲

燈製

自姚姓揚人謂之姚蟲

鑪薰六韻

斗室氤氲裏名香百和兼乍迷三里霧知護幾重
簾隔雨芳塵潤障風薄暈添依人煙冉冉拂坐夜
厭厭暖翠浮琴軫微波出畫奩秦篝分小炷空怯
嫩寒尖

遲倪蘭洲不至

久識褰裳賦涉溱行期何事滯兼旬隔年鶴使虛
鄉信十日梅花負早春淺草綠波浮槳路東風青
箬渡江人門無剝啄閒雙屣空遣奚奴拂座塵

紅橋春汎四首

珠簾小舫隔東風
夾岸夭桃飫眼紅
妒煞園丁太
無賴
一生長住落花中

紅樓縹緲斷人魂
細雨濛濛柳色昏
大抵風流都

似水天涯何處記
春痕唐李山甫句一種是春長
富貴大都爲水也風流

碧波風動酒生涼
小白長紅勝越妝
二十四橋歌

舞密但分絃索不分香

拗花歸路惜穠春
細馬香衫不動塵
除却鄉親蘇
小小油車來往更無人

題趙公子遠林帶月荷鋤圖

皎月出東山照地見人影平疇渺無際有似波萬
頃農夫罷耕歸皓魄正在頂泥深鴉背膩風透鷺
肩冷町畦曲折閒緩步不須騁流水通略約光浸
毛髮洗石滑屨屨縛露重笠不整蒼茫望前村煙
舍小於艇定知甕牖中微火一星耿田家遠城市
良夜抱清迥絕無塵撲面何惜衣掩脛君本富貴
人此景何處省明當負未來行歌與君並

白下風懷二十首

壬寅冬偶遊金陵泊舟石頭城下阻雨
三日而返未及覽六朝勝蹟舟中客有

劇談古今豔事因采綴成斷句二十章

聊破岑寂并寄高三蘄至

小姑祠畔樹蒼涼望斷江南月似璫九曲青溪雙
槳路人生能得幾迴腸

玉樹流光照麗華招邀溪畔美人家而今寒月秋
江裏不見臨春閣上花

滿宮學士色如蓮夾坐成詩總似仙妒煞黃奴太
無賴隱囊閒倚看題牋

宮鴉啼散鹿盧遲水挽銀河曉汲時一自景陽人
去後年年紅雨洗燕支

蘭昌宮殿月漫漫
瑤豔三枝照夜闌
絕勝梨花魂斷後
錦囊羅襪地中寒

吹徧東風葉葉衣
吳姬勸客雨霏微
尊前別意知多少
但看楊花滿店飛

傷別經年劉采春
一聲嚙噴可憐人
至今嗚咽寒潮水
猶帶秦淮淚色勻

一曲烏飛夢不成
月華如水嫩寒生
金簪銀枕琉璃匕
銷盡箜篌落葉聲

擊蒙金葉舊曾諳
釧朶珠翹滿一簪
內苑繁華留不得
更無閒地種紅藍

紅羅亭畔舞腰支銀燭當筵掩淚絲零落檀槽金
屑冷隔江猶唱恨來遲

保儀才調費吟哦空對昭陽月色多抱得長門宮
怨冷阜羅屏下見橫波

石城橋下水如苔日日春潮去復回我在莫愁湖
上泊無人肯送莫愁來

虹梁雙燕寂無聲乍見纖腰一搦輕惱煞金陵黃
進士碧牕紅草夢臺城

望月橋通望月街何人能識舊情懷可憐南曲淒
涼甚賸粉零香十二釵

涼篷艇子木蘭舟
夢想秦淮水上游
一片紫槽紅撥裏
年年腸斷傳靈修

芙蓉顏色柳枝身
相鬪春榮巧樣新
只有蓮臺諸姊妹
帕羅羞盡曲江人

新月蛾眉映綺牕
年來愁思滿春江
雕籠鸚鵡紅于染
解伴瓊人玉一雙

料峭寒生一例尖
畫羅衣薄晚來添
情懷更比楊花厚
滿院春陰壓繡簾

當年舊院擅風華

沙

才

董

白

朱顏總似花
只有玉

香蕭瑟甚自拈紅淚裏琵琶

釧動釵飛最有情紅樓天上畫難成江東門外如
絲柳淡粉輕煙伴一生

落花有感四首寄呈梁山舟侍講表兄

已逐浮萍向水涯又隨飛絮浣泥沙多情只戀繁
華地有種難分富貴家三月年光歸草色五更風
信恨桃花紅簾綠幕無消息猶伴春寒處處遮

狂香浩態總成塵誰信當時豔冶身芍藥難爲東

野堦

孟郊句芍藥難爲堦

薔薇空戀陸郎貧

皮日休和陸魯望薔薇詩暫時

遮得陸郎貧

生來只道紅堪守事去方知綠易陳十日

雨偏風慙裏重樓閒煞曉妝人

愁聽山香一曲歌風娘輕薄幾番過也同秋夜悲
紈扇誰向長門惜綺羅看到亭臺原是暫聚來藩
溷更應多桃源縱有神仙種流出人間總逝波
朱闌微雨濕黃昏何處重招倩女魂燕子空梁無
好語棟花長日是閒門向人顏色隨時改惜別情
懷一例論埽盡落紅恩太薄却留餘地讓苔痕

送汪劒潭之楚中

丁香解盡東風結簾外濃陰語鶉鴒羅屏坐倚瘦
腰人一榻楊花訴離別離情別緒何處遊自言只
在春江頭武昌新柳初織恨漢水綠波難浣愁此

行不爲江山去只爲飢驅未容住酒殘長拋故國
花布帆遠指他鄉路思君盛年何婉孌風貌棱棱
動人羨香氣常縈荀令衣粉花不上何郎面彩牋
擘句玉溪李檀版催詞小山晏風華肯讓溫八叉
浮豔終輕柳三變有才如此合富貴夾案長依玉
皇殿太液寒生鴨綠袍未央露染龍香硯賜出牙
笏漢臘脂擎來銀餅天廚麪胡爲落魄不稱意却
教流浪金閨彥人生如花比花信二十四番次第
遍牡丹芍藥不曾看春來惟有風吹棟黑貂不暖
骨不寒黃金長貴人長賤我亦同君淪落心天涯

一別何時見船頭打鼓青春深風光幸慰行人心
槩花撥紅浪冉冉檣煙閣翠天沈沈夜向伯鸞溪
畔過曉在姑蘇臺上坐西子湖頭碧草香匡廬山
下涼雲裏況復同騎紅尾鳳時夫人以歸寧江右偕行牕紗夜
滅深閨夢瑋書兼粉盞裝琉璃匣帶香奩重旅
懷到此亦自快花笑蘭言歲華共本是通眉長爪
人一囊古錦奚奴供綠野如煙燕雙起出門拾得
相思子踏歌反欲送汪倫深情一樣桃花水

求仙四首留別諸同人

瑤想璫思閑歲華蓬萊何處問黃芽三千藥闕空

分界十二增城不當家鳳帳吹殘紅
蘼雪龍車碾爛碧桃花河源未識
支機石常負年年博望槎
虛無征路白雲浮校徧東華籍未
收大藥不妨常九轉靈桃何止僅
三偷絳河去鳥迢迢隔瑤海飛
塵渺渺愁莫道天台尋不到麤才
晨肇亦何留員嶠方壺兩渺茫飛
廉章奏迴生光書通閬苑頻煩
鶴石到金華總化羊天上不知誰
白屋人閒其奈有黃梁尋常煙火
無多味要覓青泥向太行上界功
名詎易貪踏風鞭露我猶諳卽看
龍色騎成九不羨羊珠食第三碧
落侍郎多姓沈金門羽

客舊稱譚欲知凡骨何年換翠島琅書且一探

題鄭仙吏贊府跌坐小照三首

圓相方袍瘦骨支畫圖過去自應知年來蹤跡如
行脚那有跏趺穩坐時

楞嚴雖好幾曾看入世分明現宰官長著朝衣支
手版只愁無地放蒲團

直須撒手行空際何事低眉結靜緣龍躁鳳狂無
管束讓君成佛我成仙

爲梁念閭表姪題金冬心先生梅花小幅

三絕句

看到冰姿已惘然故山花信隔經年如何燕市春
歸後翻對西湖雪色天

暗香疎影欲成塵啼羽橫參每愴神畢竟詩人修
未到一丸明月讓前身

龍梭仙館隔紅埃猶見南香冉冉開二十五年人
老去素零縑斷臙寒苔

畫後自署云乾隆庚辰畫於龍梭仙館今年甲辰蓋

二十五年矣

梁冲泉副憲表兄從隣寺得大石如雲號
垂雲石後又別購一石並置之庭中作歌
見示奉次來韻

靈山不厭鬼斧搜異石往往明珠投僧堂日夕鎖
煙霧時有嵐氣空中浮先生愛石如愛友如未覲
面爭相謀東廊西寺偶逢此意在並蓄還兼收先
從近取後遠致衆力競舉鞞聲過

三字見梅
聖俞詩

牆陰

卓立儼當戶頓令空院清而幽名雖專屬美雨合
小大自可皆稱球同時安春頗瑰儻相見邢尹何
纖柔分明畫法師小米金陵舊數熊應周雙峰對
峙如拱揖熊耳爲綴太華旒先生好石舊有癖銅
符曾守蠻鄉陬思南郡郭好風景白鷺宛轉春波
流中間磊落產文石采揀直共珠胎求長時供養

置几席購之豈惜奇貲售

黔中思南郡白鷺洲產文石兄守郡時嘗購若

干各命以名爲几席之玩有文石歌一時和者甚衆

鬱林自古仰清節廉潔

足挽民風偷南臺嚴冷少公事古槐覆屋如林邱
峻嶒對此比君骨心不可轉無愆尤吟看棟牖潤
欲滴老翠萬點苔花留

春夜檣笠軒留過粉坊琉璃街訪歌者王
郎不值因讀壁間史竹圃同年近什歸賦
六絕句以紀其事兼呈竹圃笠軒

雙輪陌上走輕雷叩罷銅鑲小戶開滿院綠陰春
不見錯教蜂蝶過牆來

茶煙香篆兩朦朧燈外屏山曲曲紅記取琉璃街
畔路春羅消受落花風

眼紋如纈倚匡牀空亂蘇州刺史腸

謂笠軒

我在秦

宮花底坐不須重問鬱金堂

如水春愁一例多碧紗牕霧隔銀河今朝閒煞燕
支拍也省臨風喚奈何

休嫌公子太天斜暫當東風碧玉家不識六郎顏
色好却從詩裏看蓮花

子與王郎初未識面

行閒珠玉字縱橫贏得詞人識姓名但使一篇歌
一曲防他吟瘦史邦卿

輓吳斧仙

天地誰知己風華惜此人一生嫌太傲萬卷總長
貧閣上殘芸冷墳前宿草春頗聞仙語幻詩筆更
如神

聞吳下請此者君多降壇賦詩

題汪節母梁夫人晚香樓藁二首

汪學正
劔潭村

夫人

自合稱公到少君幾年白髮映青裙語經百鍊知
情性腸寫千迴識苦辛璧月久嗤袁學士絳紗應
侍宋宣文我來欲展登堂拜冰雪吟餘淨暑氛
年華骨肉舊凋殘淚瀉金壺墨易乾勁節冷于秋

後竹愁心苦似夜深九塵埋古鑑雙鸞杳風占高
梧一鳳寒謂劍潭他日花羅牋十萬先供綵服奉吟
壇

題荔枝圖

尤物從來易禍人當年驛騎笑紅塵漢家早有洋
川米莫向驪山說太真

同稽久之吳健如登兗州城樓卽以誌別

齊魯風煙烏下收龜蒙山色座閒浮銅螭暖護紅

雲氣鐵鳳橫鸞碧海秋萬里詞人初縱目

杜詩所云南樓

縱目初者卽此城上有石刻

百年行客幾同遊惟餘短碣荒涼

在相倚斜陽話別愁

偶見二首

春波小舫隔牕紗
碧玉鉤簾一半遮
最恨東風不相待
朝來吹去似楊花

衣香鬢影傷來難
想得輕羅耐曉寒
不及浣紗人入市
金錢方便借儂看

雨懷四首

如水銀雲濕不收
垂楊消息幾重樓
烏紗憩嬾成孤病
紅薦嫌寒隔早秋
細淚檢書三月晚
東風吹恨一江流
曲瓊鉤畔繩繩溜
欲借潺湲浣別愁

雲牕霧閣拓輕陰芳草沿階一徑深漠漠黛屏留
曉夢迢迢冰屋抱冬心蓬山乍說三千遠蓮葉頻
看十二沈拂盡玉徽塵滿匣何時重理鳳皇琴
日日輕雷走鈿車曲闌干外是天涯帳羅虛賦橫
陳玉酒殘閒拋夜合花金縷綠釵人隔院紅氍毹
笠客還家苔痕沒盡尋芳路門掩空山伴歲華
黃姑經歲隔明河蕭瑟閒房夕意多屈膝風傳消
蠟鳳流蘇香重壓銀鵞畫羅天氣難禁瘦團扇情
懷又放歌三十六鱗潮已上通辭長許託微波

梁溪書肆見有仲雅遺文一冊訝其與予

字正同閱之知爲江孝廉震滄

筠

之子名

雲遠善屬文早卒孝廉制義噪於一時茲
蓋其家學因購之歸并系以詩

乍見遺編似隔生此中曾識舊才名人應爭誦身
前句我自難追死後聲敢說文章同李益更無官
職與韓翃洛陽紙價由來貴把卷吟殘倍有情

敬題鳳巢書屋圖

并序

鄉先輩倪黃門樾疇爲舅氏梁文莊公
相國作鳳巢書屋圖書屋在城南奇孝
巷占鳳凰山之麓松房三開前臨方池

碧梧翠竹環植左右翰林相國兩舅氏
未遇時讀書其中吾母嘗爲雲璈言之
心識不忘甲辰秋偶居錫山稽氏甥館
於故書中得此冊因讀黃門跋語題句
爲恍然者久之但不知何年流落稽氏
喜其完好無恙歸遺山舟表兄兄亦快
獲故物感懷先世特敘其緣起并用黃
門元韻紀詩二章附于冊尾雲璈亦繼
和焉

平生不識南塘路阿母頻煩憶往時今日披圖容

指點倪遊房栢舊西池

豈必羊曇感故居別開綠野卅年餘
碧梧枝老長栖鳳一院濃陰護賜書

嵇笠軒自曹州載牡丹十六本歸有詩紀
事爲作長歌奉簡

先生養花不惜力風雨陰晴勤手植
養花能得花性情如令人身甘寢食
昔年作牧稱循良愛物愛人固其職
今年乞假歸江鄉道出曹州肩暫息
此邦舊產鼠姑種鄧氏園林衆香國
譜稱遠勝洛陽花魏紫姚黃更殊特
昔聞牡丹在僞周不受宮中

口宜勑開遲遽觸女主怒貶斥花王居異域洛花
遂說冠天下斯語流傳疑粉飾世人好奇耳爲目
齊向洛中爭購得先生不屑徇流俗但遇名花賞
應亟傾貲選買十六本快意寧愁客囊罄移花并
帶本州土持護芳根藉黏埴大車輦載二百里直
上飛艫壯行色是時小春風日作篷底晴光眼頻
拭輕裘穩坐顧而樂逸興豪情坦胸臆花如有知
花亦笑不使花爲故鄉憶相公之家本富貴異物
還方有供億用唐宰相李德裕事卽今花木少平泉指點沙
隄見清德如君雅意世所希蜂蝶隨舟人不識明

珠薏苡無謗嫌清玩何妨厚封殖來年花發大如
斗物性何嘗限南北一花須得一名姬用宋張
功甫事狂
吟潑盡金壺墨

錫山韓仲湘多才早卒數年前令兄景圖
屬題其紅蕉軒遺稿今年冬復以寫生花
草冊十二幀索題因各賦斷句卽寓追輓
之意以慰景圖

梅

金壺貯汁灑寒芳寫出冰姿淺淡妝記取返魂香
信在自巡檐月話冬郎韓致光咏梅句云香號返
魂容易回

蘭

楚騷歌罷洞庭秋
日暮沅湘動別愁
網戶朱塵招不得
托根無地怨靈脩

桃花楊柳

披圖指點識穠春
不見羊車入市人
寂寞遊情寒食路
落紅飛雪已成塵

牡丹

人間富貴總虛生
只合瑤臺早擅名
畫手已歸天上去
不須重寄董雙成

唐人牡丹詩早晚有人天上去寄他將贈董雙成

紫藤花

菜蕞清陰小院中
離離柔蔓舞東風
分明紫玉成煙後
一穗流蘇曉帳空

翦春羅蛺蝶

翦刀風裏試羅裳
蛺蝶穿花粉隊忙
抱得青陵多少恨
畫圖空按小滕王

枇杷

磊磊青柯細雨侵
梅黃顏色染來深
韓嫣一去流丸冷
零落人間滿地金

殘荷

水禽飛處破涼煙
褪盡紅衣只自憐
見說六郎魂

斷後更無風貌似當年

紫薇

紫茸蔽蔽垂千藥紅雨霏霏折一枝猶有別花人在否斷腸春色是微之

香山紫薇詩除却微之見應愛人閒少有折花人

菊

白衣人去酒無香三徑逢秋夜有霜我比春來桃李俗與君長遠作參商

唐彥謙菊句遠將桃李作參商

秋花草蟲

秋花點點雨絲絲蕭瑟閒階絡緯遲此夜西堂眠不穩更無春草慰離思

水仙天竹

仙人姑射雪膚多未許流塵上襪羅南竹生來似
紅豆相思何處託微波

弱女

弱女生看愛聰明見亦稀乍看能識字慣自解牽
衣稚髮挑微綠春衫裛舊緋憐渠嬌小意不忍手
輕揮

行役不止歲暮感懷

我生比魚勞往往見尾赤僂指一歲中但覺數行
役囊橐具捆束圖史紛狼藉宿春每自裊行躊時

互易屏當累妻孥奔走命臧獲往來如擲梭歷祿
同置驛有時暫歸來總不暇煖席雖然得家居仍
復等作客我方勞其形人且厭其跡可憐別離情
長使經時隔自從困公車十五寒暑積南船兼北
馬馳驅每絡繹又復客揚州離羣意蕭索或時居
壻鄉廡下亦苦窄環視無一可浮生徒浪擲金飛
與玉走歲月駒過隙不知碌碌來所事竟何益吾
家有故事動云汎其宅漁童及樵青母乃笑忽迫
當茲歲暮寒飛騰景堪惜風餐水宿中狀貌類枯
腊恨不化飛鳥飄落大小翻津吏前致辭怪我何

所適鄉園當此時紅鑪餉新醪消寒圖九九凍硯
吟邊炙卽此快人意可以永朝夕團樂骨肉閒何
恨不冰釋胡爲久僕僕天涯空落魄我聞爽然驚
慙汗出如液急思生計改庶足慰疇昔早晚東風
來吹我梅花白逝將杜衡門吟到苔痕碧

簡松草堂詩集卷九

錢唐張雲璈仲雅

新歲閒居

漫道春來早，栖遲感舊蹤。
客愁排歲月，書味貯心胸。
粗糲人情異，屠蘇酒氣醲。
劇憐三十九，已是說龍鍾。

東坡句 龍鍾三十九

丸藥二十四韻

夙抱文園渴，維持仗藥方。
還年何用紫，消食定須黃。
欲乞珊瑚散，先調火齊湯。
鴨頭書帖換，熊膽數更嘗。
緘喜松英貴，煎看薤葉涼。
飲池無扁鵲，守價

有韓康蓄意留金鼎逢人奉玉箱兔應長擣後鳥
或罷銜將柏杵千聲響銀罌五色光屑塵疑印麴
割蜜每和漿紙裏常教密刀圭詎自量遣邪傳却
鬼矢願得休糧撚借縫裳手餐宜絕粒腸已尋藤
殼貯難覓石困藏累或同痾瘕圓如效蛭蛻焙依
茶竈煖曬共晝晷長蠅化飛誠幻蛾神採不妨微
嫌陳壽婢驚怪寄奴王出自飛龍店安來養鶴牀
不逢王守一願作費長房絳雪流金液青丹進綠
囊但聞多病李豈有酖人羊羅服終何益盧茹敢
自戕消摩堪愈疾須問杜蘭香

夜坐遣懷二首

牕霧沈沈卷帳煙
蝦蟆更裏夜如年
坐來簾額玲瓏地
吟到梅花澹泞天
雪後春寒思綠酒
江南歸夢視朱絃

一條歸夢朱絃直唐高蟾句

腰圍減盡銀絲帶瘦損

東陽只自憐

綠髮韶華逝水侵
釵梁孤負十年心
已教切切憂鄉里
底事迢迢怨藁砧
懷裏豈無生暖玉
人間難得辟寒金
侍兒解養芙蓉紙
添注蘭膏伴苦吟

爲王載彤秀才題墨花畫冊十二幀

梅

梅花格雖高何嘗少顏色若教染縑素未免多粉
飾畫手恐汗之不藉鉛華力誰信一枝春只費數
點墨澹痕寫出江南景不似梅身似梅影以墨畫
竹稱墨君移贈此花竹應肯

蘭

澹墨寫蘭叢更令增幽態秋風動江波吹墮元玉
佩佳人幽獨生自芳空山寂寂凝淡妝靈均之魂
招不得似以素面哀沈湘若道春來顏色好天涯
何處無芳草

水仙

石池翻動墨雲濕綃衣仙人出波立十八風鬟澹
不收金支翠鈿無人拾羅襪步塵塵欲起莫遣冰
花墮清泚生綃狼藉粉脂痕羞煞江南趙公子

杏花

杏花天澹泞閒倚粉牆東似嫌春意鬧不肯嫁東
風單衫愛忍春寒久簾外烏衣正來否斷却燈前
兩頰紅翻教黑盡燕支口

薔薇

我聞薔薇露來自大食國貯以琉璃瓶香豔作紅
色畫師偶得之傾入金壺墨還寫此花身染却燕

支黑十五園中無比倫竹林堂畔見應新

寶宇記梁元帝

竹林堂有黑薔薇

不須盟手披圖看長使烏膏小注唇

石竹

石竹倚卷石臨風生向背阿那如靜女嫣然有餘態
皐羅裁作衣一一曉寒耐不見滕王畫裏黑胡蝶
飛入花叢俱作對

桃花

磅礴山前少日色千萬桃花作青黑

見拾遺記畫手好

奇偶肖之點盡隄麋一丸墨墨光不定花光亂稱
名合向元都觀洞口漁郎莫問津春陰樹樹紅霞

斷

芙蓉

芙蓉花開自閒靜
瑟瑟西風吹獨醒
青腰神女妬顏色
著意霜華作寒冼
朝來弱質墮紅豔
猶見江波留素影
江波翻入硯池裏
墨瀦淋漓灑秋冷
秋容如此合慘澹
不信牕前曉妝靚
還應寄語涉江人
從此鉛華定須屏

百合

百合非名花作態自幽異
空庭卷簾看清香
逆人鼻焦墨點檀心墮
粉牘餘膩誰將伴
諼草共識忘

憂字

鳳仙

朱闌碧草煙初漲露氣侵階畫簾颺西風吹綻女
兒秋誰識叢叢鳳翹樣鳳翹零落曉牕虛紅甲披
圖恨有餘染盡金膏渾不是年年多事謝長裾

秋海棠

小棠佇幽賞開近牆陰邊空階澹無跡漠漠生涼
煙闌干宛轉長留恨埽盡秋蕪塵一寸冷蝶飛來
粉乍消游蜂繞過黃初褪君不見斷腸人老顏不
紅玉壺減淚凝西風

山茶

淺爲玉茗深都勝大曰山茶小海紅

楊升菴語

憑誰潑

墨寫濃色老重不怕搖東風豔質生成自堅瘦門外春寒窄羅袖移來只合伴梅花枝上雪消三寸厚

乙巳三月十七日過錫山適爲晴軒侍讀
騎箕之日回憶去年在都視含時已周一
歲矣展拜殯宮不勝愴感爲賦二律以當
輓章

學士風流已渺茫不堪重斷昔時腸隔年玉樹埋

幽草一例青山送夕陽銀管有心憐螺羸

君無子以弟子

爲後金盤無怨到檳榔我來獨展棠梨拜坐聽啼鵲

暗自傷

三十登壇自可誇木天署裏舊聲華文章不作麒麟
援門第猶傳鍛鏤家幾翦寒灰迷蝶影半瓢清
酒奠桃花卽今腹痛迴車日流恨琴簫未有涯

郵上畢中丞五十韻

當代無雙士中朝第一人蒼生期碩彥

天子重儒臣西北恩流徧東南譽起頻吉輝瞻老
鳳文采識祥麟領袖神仙貴班聯閬苑春芙蓉先

有兆楊柳昔何神御路蓮爲炬天廚餅似銀校殘
書六庫 賜出酒三辰岳牧時居禁揚班總軌倫
定知梁棟器常共磬笙純 玉詔除偏早牙旗建
處新開藩傳臥護分陝誦來旬德欲書雙柱威先
著四隣台衡鳴馬燧臺閣肅盧鈞風月三千牘山
河百二秦寢門紅燭燄蕭寺碧紗塵黎庶皆成富
煙花獨爲貧油幢人望重金字 聖心甄陟畢

通西帝爲霖濟洛民趨朝 恩乍展述職禮初伸
帶縷垂金錯墩花繡紫茵玉鳴華殿迴貂拂畫竿
振 天語臨丹陛膺章報 紫宸勞徠存愷澤

流允絕吟呻豈假疊下斛應儲粟萬困惠非私廩
給恩比路糧均濟物民心洽憐才士禮親虛襟時
對客躡履爲迎賓侍史屏風記將軍手筆申候門
懷趙壹論道見唐彬僑札堪圖畫孫荀是寶珍楊
連梁衛尉館設漢平津騏驎元無匹鸛鸞定自馴
羣才勞繼繼賤子獨逡巡未許文章達先看骨相
屯卑枝無逸翮滄海有枯鱗篋貯靈砂淺籠栖孔
雀湮啜波空易飽踏跡自嫌陳官已如漿冷愁應
似瘡臻律噓偏不暖桂折總長淪買繡原無分吹
笙或有因十年銜未改一刺字難泯碧落逢仙面

黃金鑄佛身層霄光朗澈喬岳氣嶙峋秋卷裝誰
寄春風味自醇劇憐身碌碌不肯走踉蹌松許纖
蘿引暄移黍谷勻相如虛未至西子早工顰貂恐
難爲續龍原不易真李膺如可御聲價重千緡

題結轡吟後

并序

結轡吟者冷紅主人有所托而作也主
人傷綠髮之將殘慮紅牆之易隔故其
意悱惻其辭纏綿讀之令人有蕩氣迴
腸之感然或者比于玉溪生之錦瑟則
固有賴後人之箋西崑作者所不計也

用其韻得十章書之卷尾

曲曲迴腸曲曲屏酒闌相伴夜燈青三年宋玉憐
臣里一夕陳王感洛靈愁作重城常黯澹夢來幽
境不忪惺未須苦憶飛龍瘦爲有深恩刻骨銘
相逢肯道此生休蘭芷迢迢託蹇脩漢水神珠終
解佩秦臺仙鳳不栖樓熱心自昔瓜難鎮淚眼何
曾綆易收見說白頭歡分薄錦衾先抱十年秋
退紅衫袖粉痕淹蕭索情懷酒嬾拈事去年疑離
枕夢愁來渾似入秋砧何嘗相負成蛩蟹願得同
行比鰈鶼十幅春羅煙帳小料應長護病恹恹

當年邂逅鳳城闈，早許微之記會真。
低首豈無金可鑄，同心偏覺玉難陳。
千絲風亂丁香結，二月花含豆蔻春。
不道牆東消息遠，一生輪與射屏人。
夜讎留髣翠幄張，分曹雜坐兩無妨。
僂言隔酒蘭吹氣，膩理迴燈玉有光。
屏上冬山渾似睡，簾前春霧自生香。
銷魂愛傍羅襦煖，忘却霜寒近畫堂。
吟詩周姥解纏綿，阿子分明見亦憐。
行雨生涯非是夢，養花心性本如天。
何愁遣鴟勞同調，自許乘鸞托比肩。
冰上有人空對語，不將紅綫一時牽。
一例懷春感吠龍，相思未許此心降。
路疑弱水三

千里畫少輕鸞六百雙
荷葉難持中婦鏡芙蓉長
隔女兒江纖纖怕看如鉤月
猶似蛾睂映綺牕
虛堂絃索唱玲瓏
寵妹黃娥別意同
敢怨桃花忘
蔡國何妨螭首戀
譚公曉奩光
動琉璃
白夜帳痕
消蜥蜴紅
猶有薰衣香
一片未應歸去太
怱怱
衰柳長堤泊畫橈
離魂從此黯然銷
燕鴻在昔如
相避牛女經秋
又自遙金鳳銀鵲
香寂寂白波紅
火夜蕭蕭淚珠分
滴寒江水半作來
潮半去潮
幾度妝成不下階
就中心事未全乖
流塵易上承
雲襪涼雨空霑却
月釵一別東西怨
溝水十年左

右說風懷何時再踐蘭期約並坐雙行願總諧

丁未除夜

廿載孤兒恨傷心事轉加鮮民生亦死旅櫬客爲
家帳冷風吹總衣斑血染麻不堪殘臘盡飛雪似
驚沙

有疾

瘦骨支離經帶鬆夜寒長傍總帷空晨昏已失三
春後冷暖誰憐萬死中泣血臯魚愁抱樹傷心崔
九怯臨風回思昨歲扶持處藥裏關人正此同

戊申五月十九日

昨歲逢今日歸當母病時入門懷喜懼見面強扶
持天奪迷方魄魂傷陟屺詩安居竟何益無復奉
衰遲

輓王晚香

不信風花竟委塵復衣無路劇悲辛才能入世方
稱達交到論心始見真大府共推三語掾賓僚如
對六朝人定知住劫終成幻指點金焦是夙因君提
舉金焦兩山先一日尚詣山禮佛

虞歌忽地慘芳筵賓從相看倍黯然

是日知交方
讌集君寓

視我誠如小弱弟知君合是大羅仙曾無妄語勞

縑謝自有聲華比玉堅留得風前崔九在一時爭
說鳳毛賢

過叔雅雙橋書屋朱立堂分饌生荔枝走
筆賦謝

楓亭之路夢想勞端明之譜牙屢聲離枝產自炎
方歆聽人說此涎流膏天生尤物佐饞口得之一
世堪稱豪而我不見心空忉燕城江北大都會四
方珍錯筠籩包十三年來客寓僑一物未足飽老
饕何況三口易變之奇果蔡譜語豈能遠致酬吾曹
徒看日炙與蜜煎去形質雖具精亡消闌風仗雨

思鬱陶客愁門守顛當牢城東訪友來雙橋高談

大矐慰寂寥側生忽從隔巷叨玉盤特遣長鬚操

藍紅江綠縱莫辨仿佛至自婆蘭艘口交鼻選

四

見清色香絕軀殼尙惜紅羅拋或言此物安足貴

遠來何啻隔數朝坐中未有聞粵客我輩所得皆

皮毛我今特爲設一喻藉解有識盧胡嘲譬如佳

山美水絕境不易到得見邱壑意已超又如奇人

逸士不得數來往豈可失之在臂交感君投贈非

木桃報之豈但霏瓊瑤惜哉美錦無蒲萄

見西京雜記

書生得隴復望蜀貪心所在爲遊遨安得徧走嶺

南海嶠巴峽地三十二品一一嘗盡如猿猱

湖樓坐雨葛林園心遠上人出其先師
虛大師遺集并畫冊見示因題冊尾四章
十三年似打包僧小住湖壩記昔曾莫道偶來桑
下宿盡收涼翠入行簷

朝來秋氣拓疎櫺四面峰容失帝青欲跨孤山亭
畔鶴自衝雲海過南屏

南屏老宿本詩仙孤塔埋雲二十年不道有緣參
白足又從蓮界誦遺編

湖水湖山識舊蹤當年畫本自應同而今一片秋

光裏滿眼寒蘆感惠崇

喜梁丈菴領鄉薦

桂香吹上萬重雲入手方知氣自芬
我輩聲華難浪得半生甘苦賴平分
培風大鳥飛垂翼空野神駟勢絕羣
多少阿婆三五日東塗西抹不如君

次韻周小濂賞菊八首

并引

東吳公子銅盞耽吟南國詞人金觴高
讌溯風流而獨寫想逸興之遡飛泥夫
序屬三秋時當九日黃花滿地白雪盈
篇爲冒雨之駱丞作看山之陶令冷香

曲阜顏氏文毅後裔者庭明府 王槐訪

得之乃走豫章請學使覃溪翁先生詩

文爲介并別製玉觥易之以歸徵詩於

諸名士子重其事可傳勉繼珠玉之後

鳳皇詔下慈烏里聖室驚看棘人起手拋苴杖換

魚須綵繡朝衣拖慘紫

朝野雜記大臣傳情者服慘紫之袍

相公名

重在金甌朝士書飛滿銅甌玉堂仙人動白簡姓

氏羣傳說天水彤庭拜杖血肉飛屈軼當階差可

擬君門萬里無勝餞祖帳同朝酌清醴兕觥一角

似神羊嶽嶽清威防觸抵酒酣耳熱意氣動銘語

琳琅無溢美蕭然行李出都門何宰相隨共遷徙
微物由來有護持魯市流傳動逾紀收藏却自亞
聖後彝鼎同時藉丹綬公之賢裔重物色走請鴻
文具筐篚以玉易犀無吝吝合浦珠還庶堪比傳
聞顏氏久護惜不許塵沙橫相被玉觥借此存舊
蹟豈有貪心論倍蓰使君健筆作介紹其事皆堪
附青史江陵氣燄張天下身後頻遭盤帶褫紛紛
寶器歸朝廷深悔從前構遼邸

江陵以遼妃一物
訟冤被籍

何曾返故家過眼雲煙已如彼此觥何意落人間
奕禩相傳到孫子題曰歸趙亦奇合事有數存非

偶爾居然聲價比連城懷璧於今完不毀要知所
寶不在大玉罌金尊同敝屣二百餘年口澤存薦
以黃流公亦喜奪情首議倡者誰共說當年侍郎
李幼孜以鱣爲撻酹爾魂地下懸知顙有泚

題周小濂載書圖

我昔聞皇甫上表求借書帝命送以書一車更聞
河東屬車張安世三篋亡書能默識看君挾策爛
漫遊未能充棟應汗牛定張羊頭載家具得此便
欲輕王侯輪蹄駱驛長安遠玉軸牙籤羅萬本青
笠紅衫馬上來檢點縹緗不教損蟬魚趑趄走鸞

鳳天風披拂芸香重遂令黃沙古樹荒村閒悅疑
身在羣玉之府勦嬛洞窮石室探金鎖君才自足
校中祕頭銜久署寫書官典盡蓬山總無媿君旣
不如無雙江夏黃香童奉詔讀書東觀中復不如
唐家侍讀李元敬羣書博覽居東宮何不漢書一
卷挂敝簏穩跨蒲鞵行且讀又或雕盡文心龍負
向車前如貨鬻胡爲苦學張茂先三十乘書等閒
蓄噫嘻乎讀破萬卷君所豫胙史味經常屢飫何
須辛苦作生涯捆束琳琅向長路非關千軸比柳
開要是君家等身著不然豈不知殺青兼兩自古

嫌南面百城亦虛語

雪後周小濂招同金棕亭應叔雅李耆生
王少峰集離相菴以二分明月揚州爲韻
分得明字時予方有泰安之行棕亭亦將
歸全椒卽此留別兼送棕亭

天公玉戲初放晴殘白在樹搖簾旌凌晨袖手坐
閉戶歲晚旅思方縱橫城東寓公舊詞客折簡邀
結林泉盟吟朋續續聯袂至一座仇爽顏非儻瘦
羊博士正睂壽入席自合推耆英謂棕亭謫仙才華
本跌宕意氣久令旁人傾謂耆生門風釵鏤署龍鳳

耳熟早識瑯琊名

謂少峰

休璉雄辨似焦遂落筆風

雨常爲驚雅

謂叔

賤子逡巡居客右鄒枚在坐心先

平十年以長或以倍禮合父事兼如兄君子白哲

美無度愛客手酌黃金觥

謂主

雜烹合饌作鼎實

骨董未數羅浮羹

仇池筆記羅浮嶺老取飲食雜烹之名骨董羹主人以大鼎具

食故

云南軒紅日送春暖一一照耀酡顏明審琦苦

飲天所限不預豈必劉公榮

予不善飲

酒邊詆諧雜莊

語黯然離緒中間生拂衣淵明賦歸去依人王粲

飢驅行無家已作烏鵲繞勞生更似魴魚賴男兒

四十不稱意要在湖海相逢迎文章標榜信非僞

肝膽吐露難爲輕高歌豈顧鬼神泣傲氣直與滄
溟并人生聚散固有數萍梗坐閱年華更一時主
客盡羈旅天教小住韓江城相逢何事復相別未
免有意懷嚶鳴同時人尙返故土而我更計黃沙
程羣公聯吟未有艾石鼎句豈嘲彭亨東風早晚
泮春淥寄我千里梅花情

瓜洲曉渡

輕帆如鳥翦江流兩點金焦入座收柔櫓一聲春
浪滿直從天上看揚州

昨宵微雨柳穆穆曉起江波似蔚藍隔岸春山渾

傳本堂生言集
欲笑一齊招我過江南

將之泰安感賦二首

麻衣結束當征衣又逐驚沙滿面飛豈謂中郎能
倒屣由來臣朔是長飢心緣離別多如醉境到逢
迎已覺非烏鵲莫嫌三帀繞十年久失一枝依
傷心一例唱勞勞楊柳春風似剪刀作客漸知途
易識謀生何計券能操已拌浪跡隨萍梗未免閒
身類桔槔惟有同儕誇勝餞盪胸常說岱雲高

怪風行

老駝埋鼻鳴初亟奔鯨作聲不肯息陰精乘箕星

氣蝕巽林嘯動虎勢逼黃雲漲空白日匿黑雲漫
天如潑墨驚沙撒雨四面塞倒捲南風作西北大
山搖搖疑轉側教木應知萬鈞力朽與十步九倒
踣馬毛蝟縮人髮直車中人面無人色削膚破肉
兼摺肋寒氣結喉出不得回思千里江南天擘柳
吹花正寒食

落日

落日莽蒼蒼春風馬鬣長樹連齊右黑山入魯郊
黃華髮心猶壯綈袍氣不揚執鞭無一語鈴鐸自
郎當

途中小雨

輕輪沙路走趨趨細雨濛濛濕雨驂楊柳歌聲迷
曉岸桃花離緒隔深潭征途長短憑誰記獨客寒
暄只自諳回首明朝春社近畫簾雙燕憶江南

泰安喜晤嵇久之明府

五年與君不相見君昔作丞今宰縣不但官遷貌
亦偉昔日鬢鬢今滿面我昨入境驅車遲徂徠泰
岱君所治父老見我來手捋雪領髭兒童見我來
竹馬春風馳齊向我言動色喜說此使君乃是一
品子大父作相公阿耶韋平繼業美而我使君常

以驕貴爲己恥不珍羞不統綯每日孳孳矻矻民
事相終始不信請看田塍如繡路如砥更說我使
君慈仁無有比我聞斯言蹶然起魚生釜中雉止
桑得此自足稱循良何必河無渡虎境不入蝗又
何必白雀青鹿爲徵祥對君述民辭君謙慙未遑
手奉卮酒洗我裝向我訴離別一一鷓鴣長我還
酌君盡一觴富貴君固有祝君保顏色名譽君自
重願君愛官職君不聞加餐飯崇明德二者皆當
各努力

謁岱祠

遙參門敞鬱崔嵬青帝威靈絳節開萬壑蛟龍松
檜合八方風雨鬼神來苔痕舊護秦皇碣雲氣虛
瞻漢武臺七十二君何處是盛朝不藉馬卿才

題張松巖少尉念萱圖

前年萱草綠我母高堂笑言足去年萱草綠我母
音容竟誰續有母兮能鞠無母兮何育西風吹樹
不肯寧直教枯盡臯魚目飢驅東來就旅食素冠
散屨黯無色感君示我一卷圖令我吞聲出不得
采白華兮誰養詠蓼莪兮罔極知君也復念庭闈
猶見當年淚霑臆朝看萱草生萱草豈似慈顏明

暮看萱草生萱草不共慈顏榮朝朝暮暮看萱草
那得慈親顏屢好猶有庭椿壽八千歲歲年年長
不老長不老慰君心而我其奈哀哀吟

登岱

我昨驅車東出自新泰郊羣山會奔赴勢若萬馬
爭騰驍青冥矯首見岱嶽但與諸峰一一相抗如
同曹圖經所志非一狀展讀疑信胸中交肩輿決
計試一往欲凌絕頂窮秋毫輿夫對我面如鵠兩
兩趨捷同猿猱初白山之麓旋轉山之腰盤盤磴
道屈曲不可上惟見頑峰獐劣攢矗排山魍長風

驅沙滿山走時有崩石空中拋陰崖壞道屢顛趾
似此豈足償吾勞須臾已過回馬嶺耳目忽與凡
塵遙漸進旣漸異愈轉復愈超螺旋蟻折不知幾
千丈疑有靈胡變幻倏爾成神臯芙蓉屏障削四
面沈沈積翠虛空飄或爲卑而扈或爲銳而高或
爲大石礪或爲小石礪如堂如防復如甌屬者獨
者萃者盡是淋漓磅礴之元氣大力包舉而堅牢
白雲在天復在地上下時與行人遭鉤梯十六盤
險絕愁山樵四山迴合天一綫南天門在縹緲青
雲霄羊腸路出鳥背上鐵紉如臂相扶操前人履

底後人見應劭之說非虛
呬與夫例作蟹橫勢回

視不測神魂消萬一失足竟蹉跌此身豈但如鴻

毛萬松風來動鱗甲聲若大海噓迴濤歷劫雖少

亦千載大夫何必秦封邀開元銘辭鐫峭壁唐隸

五寸誠風標

開元泰山銘摩崖碑在嶽帝祠左

翩翩盡若飛鳥勢

羶椎或藉雲師敲前代摩崖此爲上其餘狼藉徒

紛輟 龍章況復照山谷縱有蛇蚓應潛逃天將

下遣五丁輩鏟削題字平其坳玉皇祠畔一凭眺

歷歷坐受諸山朝峻嶒巖之態不可見但見奔

騰澎湃仿佛萬頃長江湖蒼茫辨齊魯指點風中

泡惜哉不得宿日觀飽看朝旭扶桑燒乃知異景
不許容易得到此始覺神爲遨曩時所見尙糟粕
管窺蠡測空訾訾不敢咳唾輕喧囂恐有金函之
傷青簡側雲幢霧節天人十萬來相招

春草八韻

芳草春來徧看時乍可憐遙知常冉冉近似失芊
芊淺碧疑浮水平蕪不映天輕籠霞脚雨微斷燒
痕煙袍色青如織裙腰綠未滿桃花村路迴楊柳
畫橋連點染紅襟外低迷粉翅邊王孫空極目南
浦自年年

署齋瓶中芍藥

翦痕猶識手摻摻入座春風一例尖
國色定知遮不住便教蜂蝶伺鉤簾

一叢誰向膽瓶探不分臙脂曉色酣
可惜落花微雨地更無雙燕似江南

婪尾尊前客思紛一春花事悵離羣
盧郎格是多情甚拘束東風待細君

唐盧儲芍藥詩東風與拘束留待細君來

看花雙眼久朦朧月地雲階未是空
拋却揚州三萬朶屏山留戀折枝紅

梨棗錢歌

并序

漢武帝封禪至泰山下未及上百官先
上拜跪置梨棗錢於道以求福相沿至
今捨錢物者多堆積殿上冬夏二季總
括其數名曰淨殿

漢皇封禪求不死

封禪書封禪者求不死之名也

肅然山前有遺

趾五色土藉三脊茅奇獸蜚禽遠方底金繩玉檢
多祕禁怪物有徵不敢止明堂上壽風雨禘時見
封中白雲起從官夾道輸金錢狼藉紛紛邀福祉
汾陰神鼎非眞寶甘泉靈芝亦凡草長陵宛若不
可尋東萊巨跡今如埽韋廉延壽空沈沈樓上神

仙貪脯棗瀛洲方丈蓬萊鄉齊人萬數求神方文
成五利先後進導諛貢媚何猖狂古來封禪久曠
絕七十二家儀渺茫錢施梨棗太浮誕共以妄意
迎君王常時名臣如汲鄭豈屑逐隊同低昂公孫
奉車子侯輩競與方士成荒唐惜哉曼倩號譎諫
不復辟戟金階旁後來佛氏尙施捨實以此事爲
濫觴

題高小琴香海禪心圖六首

牽蘿補屋住吟身空谷爭看絕代人萬樹寒香一
龕月不知天地有紅塵

滿林冰雪匝團焦
枝北枝南凍不消
未必安禪忘色相
鄉心只在虎山橋

長安公子盡天斜
看徧春來處處花
誰識先生甘冷淡
鎮將苦行作生涯

鬢絲禪榻舊曾安
門外霜林一徑寒
吟得好詩先供佛
笑拈冷蘂當沈檀

打包蹤跡自西東
索笑巡簷一例空
只恐禪心栖未穩
又尋消息向春風

年來鄧尉屢經行
不分披圖尙有情
添箇阿儂爲弟子
冷吟閒嗅共平生

開元御書泰山銘摩崖碑歌

大唐天子盛文典歲巡時邁虞周展東封直上泰山巔百萬神靈扶法輦旒珪壁皆肅雍降地升中大事歲銘辭煌煌出帝製告紀成功非強勉翩然隸字大如掌力足神完無俗輓文章或是燕許筆楷法誠無漢碑覲孝經多肉而少骨氣格較之母乃褊怒貌渴驥羈束閒御手從前亦爲鮮小長蘆叟有跋語一一評量定非舛峭崖壁立大觀峰名東深刻寧愁山骨剡我來拜讀向碑下太半模糊被苔蘚仰觀腦重疑倒折直視目張欲雙眸舊聞

字廓皆填金風雨銷殘已莫辨下方零落百八字

火蝕非關遭野燹君補書稱完好小異形模微

一變

碑下剝落蓋揭者冬月篝火之所蝕也明葉彬補書一百八字形似小異憶昔開

元勢全盛夕惕朝乾治非謫堂廉交儆圖國是姚

宋張韓皆審審登封一舉誠虛夸梁父云亭事誰

顯雖然銘語邁典謨未免君臣識俱淺銘中所寶

慈儉謙五聖重基將大闡琳琅足使垂不朽欲與

嶢巖永無殄後來天寶兆喪亂回憶三言無一踐

萬里倉皇幸蜀年空使山靈嘲偃蹇同時諸臣各

有頌

蘇頌東封朝覲壇頌張說封祀壇頌

大抵諛辭共敷衍古來封

禪總莫攷漢帝秦皇先洪忍茲銘茲隸足楮模懷
古深情且須遣泥金檢玉不可尋得此風徽千載
緬